



食貨典第十一卷

戶口部彙考三

隋

高祖開皇二年有戶三百六十萬頒令定男女黃小中丁老 按隋書高祖本紀不載 按冊府元龜開皇二年受周禪有戶三百六十萬乃頒新令男女三歲以下爲黃十以下爲小十七以下爲中十八以上爲丁以從課役六十爲老乃免

開皇三年令軍人以二十一成丁令州縣大索貌閱戶口又爲輸籍定樣 按隋書高祖本紀不載 按冊府元龜三年正月初令軍人以二十一成丁是時山東尙承齊俗機巧奸僞避役惰遊者十六七四方疲人或詐老或小規免雜賦高祖乃令州縣大索貌閱戶口不實者正長遠配而又開相糾之科大功以下兼令折籍各爲戶頭以防容隱於是計帳進四十萬三千丁新附一百六十四萬五百戶左僕射高穎以人間課役雖有定分年嘗徵納除注營多長吏肆情文帳出沒復無定簿難以推較乃爲輸籍定樣請過下諸州每年正月五日縣令巡人各隨便延五黨共爲一團依樣定戶

上下帝從之自是奸無所容矣

開皇九年戶口滋多析置州縣

按隋書高祖本紀不載

按地理志九年廓定江表尋以戶口滋

多析置州縣

按杜佑通典注後周靜帝末授隋禪有戶三百九十九萬九千六百四至開皇九

年平陳得戶五十萬

煬帝大業元年詔男子以二十二成丁

按隋書煬帝本紀不載

按冊府元龜云云

大業二年戶八百九十萬七千五百三十六口四千六百一萬九千五十六

按隋書煬帝本紀不

載按冊府元龜云云

大業五年更置郡縣戶八百九十萬有奇口四千六百一萬有奇

按隋書煬帝本紀不載

按地

理志煬帝嗣位改州爲郡五年平定吐谷渾更置四郡大凡郡一百九十縣一千二百五十五戶八

百九十萬七千五百四十六口四千六百一萬九千九百五十六

京兆郡統縣二十二戶三十

萬八千四百九十九

馮翊郡統縣八戶九萬一千五百七十二

扶風郡統縣九戶九萬二

千二百二十三

安定郡統縣七戶七萬六千二百八十一

北地郡統縣六戶七萬六百九

十 上郡統縣五戶五萬三千四百八十九

雕陰郡統縣十一戶三萬六千一十八

延

安郡統縣十一戶五萬三千九百三十九

弘化郡統縣七戶五萬二千四百七十三

平涼

郡統縣五戶二萬七千九百九十五

朔方郡統縣三戶一萬一千六百七十三

鹽川郡統

縣一戶三千七百六十三

靈武郡統縣六戶一萬二千三百三十

榆林郡統縣三戶二千

三百三十

五原郡統縣三戶二千三百三十

天水郡統縣六戶五萬二千一百三十

隴西郡統縣五戶一萬九千二百四十七

金城郡統縣二戶六千八百一十八

枹罕郡統

縣四戶一萬三千一百五十七

澆河郡統縣二戶二千二百四十

西平郡統縣二戶三千

一百一十八

武威郡統縣四戶一萬一千七百五

張掖郡統縣三戶六千一百二十六

敦煌郡統縣三戶七千七百七十九

漢川郡統縣八戶一萬一千九百一十

西城郡統縣

六戶一萬四千三百四十一

房陵郡統縣四戶七千一百六

清化郡統縣十四戶一萬六

千五百三十九

通川郡統縣七戶一萬二千六百二十四

宕渠郡統縣六戶一萬四千三

十五

漢陽郡統縣三戶一萬九百八十五

臨洮郡統縣十一戶二萬八千九百七十一

宕昌郡統縣三戶六千九百九十六

武都郡統縣七戶一萬七百八十

同昌郡統縣八戶

一萬二千二百四十八

河池郡統縣四戶一萬一千二百二

順政郡統縣四戶四千二百

六十一

義城郡統縣七戶一萬五千九百五十

平武郡統縣四戶五千四百二十

汶

山郡統縣十一戶二萬四千一百五十九

普安郡統縣七戶三萬一千三百五十一

金山

郡統縣七戶三萬六千九百六十三

新城郡統縣五戶三萬七百二十七

巴西郡統縣十

戶四萬一千六十四

遂寧郡統縣三戶一萬二千六百二十二

涪陵郡統縣三戶九千九

百二十一

巴郡統縣三戶一萬四千四百二十三

巴東郡統縣十四戶二萬一千三百七

十 蜀郡統縣十三戶十萬五千五百八十六

臨邛郡統縣九戶二萬三千三百四十八

眉山郡統縣八戶二萬三千七百九十九

隆山郡統縣五戶一萬一千四十二

資陽郡統

縣九戶二萬五千七百二十二

瀘川郡統縣五戶一千八百二

犍爲郡統縣四戶四千八

百五十九

越巂郡統縣六戶七千四百四十八

牂柯郡統縣二

戶闕

黔安郡統縣二

戶一千四百六十

河南郡統縣十八戶二十萬二千二百三十

滎陽郡統縣十一戶十六

萬九百六十四

梁郡統縣十三戶十五萬五千四百七十七

譙郡統縣六戶七萬四千八

百一十七

濟陰郡統縣九戶十四萬九百四十八

襄城郡統縣八戶十萬五千九百一十

七

潁川郡統縣十四戶十九萬五千六百四十

汝南郡統縣十一戶十五萬二千七百八

十五

淮陽郡統縣十戶十二萬七千一百四

汝陰郡統縣五戶六萬五千九百二十六

上洛郡統縣五戶一萬五百一十六

弘農郡統縣四戶二萬七千四百六十六

潁陽郡統

縣七戶三萬七千二百五十

南陽郡統縣八戶七萬七千五百二十

涇陽郡統縣三戶一

萬七千九百

淮安郡統縣七戶四萬六千八百四十

東郡統縣九戶十二萬一千九百五

東平郡統縣六戶八萬六千九十

濟北郡統縣九戶十萬五千六百六十

武陽郡統縣十

四戶二十一萬三千三十五

渤海郡統縣十戶十二萬二千九百

平原郡統縣九戶十三

萬五千八百二十二

信都郡統縣十二戶十六萬八千七百一十八

清河郡統縣十四戶

三十萬六千五百四十四

魏郡統縣十一戶十二萬二百二十七

汲郡統縣八戶十一萬

一千七百二十一

河內郡統縣十戶十三萬三千六百六

長平郡統縣六戶五萬四千九



百一十三 上黨郡統縣十戶十二萬五千五十七 河東郡統縣十戶十五萬七千七十八

絳郡統縣八戶七萬一千八百七十六 文城郡統縣四戶二萬二千三百 臨汾郡統縣七

戶七萬一千八百七十四 龍泉郡統縣五戶二萬五千八百三十 西河郡統縣六戶六萬

七千三百五十一 離石郡統縣五戶二萬四千八十一 鴈門郡統縣五戶四萬二千五百

二 馬邑郡統縣四戶四千六百七十四 定襄郡統縣一戶三百七十四 樓煩郡統縣

三戶二萬四千四百二十七 太原郡統縣十五戶十七萬五千三 襄國郡統縣七戶十萬

五千八百七十三 武安郡統縣八戶十一萬八千五百九十五 趙郡統縣十一戶十四萬

八千一百五十六 恆山郡統縣八戶十七萬七千五百七十一 博陵郡統縣十戶十萬二

千八百一十七 河間郡統縣十三戶十七萬三千八百八十三 涿郡統縣九戶八萬四千

五十九 上谷郡統縣六戶三萬八千七百 漁陽郡統縣一戶三千九百二十五 北平

郡統縣一戶二千二百六十九 安樂郡統縣二戶七千五百九十九 遼西郡統縣一戶七

百五十一 北海郡統縣十戶十四萬七千八百四十五 齊郡統縣十戶十五萬二千三百

二十三 東萊郡統縣九戶九萬三百五十一 高密郡統縣七戶七萬一千九百二十

彭城郡統縣十一戶一十三萬二百三十二 魯郡統縣十戶十二萬四千一十九 琅邪郡

統縣七戶六萬三千四百二十三 東海郡統縣五戶二萬七千八百五十八 下邳郡統縣

七戶五萬二千七十 江都郡統縣十六戶十一萬五千五百二十四 鍾離郡統縣四戶三

萬五千一十五 淮南郡統縣四戶三萬四千二百七十八 弋陽郡統縣六戶四萬一千四

百三十三 蕪春郡統縣五戶三萬四千六百九十 廬江郡統縣七戶四萬一千六百三十

二 同安郡統縣五戶二萬一千七百六十六 歷陽郡統縣二戶八千二百五十四 丹

陽郡統縣三戶二萬四千一百二十五 宣城郡統縣六戶一萬九千九百七十九 毗陵郡

統縣四戶一萬七千五百九十九 吳郡統縣五戶一萬八千三百七十七 會稽郡統縣四

戶二萬二百七十一 餘杭郡統縣六戶一萬五千三百八十 新安郡統縣三戶六千一百

六十四 東陽郡統縣四戶一萬九千八百五 永嘉郡統縣四戶一萬五百四十二 建

安郡統縣四戶一萬二千四百二十 遂安郡統縣三戶七千三百四十三 鄱陽郡統縣三



戶一萬一百二

臨川郡統縣四戶一萬九百

廬陵郡統縣四戶二萬三千七百一十四

南康郡統縣四戶一萬一千一百六十八

宜春郡統縣三戶一萬一百一十六

豫章郡統

縣四戶一萬二千二十一

南海郡統縣十五戶三萬七千四百八十二

龍川郡統縣五戶

六千四百二十

義安郡統縣五戶二千六十六

高涼郡統縣九戶九千九百一十七

信安郡統縣七戶一萬七千七百八十七

永熙郡統縣六戶一萬四千三百一十九

蒼梧

郡統縣四戶四千五百七十八

始安郡統縣十五戶五萬四千五百一十七

永平郡統縣

十一戶三萬四千四十九

鬱林郡統縣十二戶五萬九千二百

合浦郡統縣十一戶二萬

八千六百九十

珠崖郡統縣十戶一萬九千五百

寧越郡統縣六戶一萬二千六百七十

交趾郡統縣九戶三萬五十六

九真郡統縣七戶一萬六千一百三十五

日南郡統縣八

戶九千九百一十五

比景郡統縣四戶一千八百一十五

海陰郡統縣四戶一千一百

林邑郡統縣四戶一千二百二十

南郡統縣一十戶五萬八千八百三十六

夷陵郡統縣

三戶五千一百七十九

竟陵郡統縣八戶五萬三千三百八十五

沔陽郡統縣五戶四萬

一千七百一十四

沅陵郡統縣五戶四千一百四十

武陵郡統縣二戶三千四百一十六

清江郡統縣五戶二千六百五十八

襄陽郡統縣十一戶九萬九千五百七十七

春陵郡

統縣六戶四萬二千八百四十七

漢東郡統縣八戶四萬七千一百九十二

安陸郡統縣

八戶六萬八千四十二

永安郡統縣四戶二萬八千三百九十八

義陽郡統縣五戶四萬

五千九百三十

九江郡統縣二戶七千六百一十七

江夏郡統縣四戶一萬三千七百七

十一

豐陽郡統縣六戶八千九百六

巴陵郡統縣五戶六千九百三十四

長沙郡統

縣四戶一萬四千二百七十五

衡山郡統縣四戶五千六十八

桂陽郡統縣三戶四千六

百六十六

零陵郡統縣五戶六千八百四十五

熙平郡統縣九戶一萬二百六十五

唐

高祖武德六年定黃小中丁老又定三等戶以造帳籍

按唐書高祖本紀不載

按冊府元龜武

德六年三月令以始生爲黃四歲爲小十六爲中二十一爲丁六十爲老是月令天下戶量其資產

定爲三等每歲一造帳三年一造籍州縣留五比尚書省留三比

武德九年三月詔天下戶爲三等未盡升降宜爲九等 按唐書高祖本紀不載 按冊府元龜云

云

太宗貞觀三年戶部奏獲男女口 按唐書太宗本紀不載 按杜佑通典貞觀戶不滿三百萬三年戶部奏中國人因塞外來歸及突厥前後降附開四夷爲州縣獲男女一百二十餘萬口

貞觀十四年盡得高昌戶口 按唐書太宗本紀十四年八月癸酉侯君集克高昌 按杜佑通典十四年侯君集破高昌得三郡五縣二十二城戶八千四百六十六口萬七千三十一

貞觀二十年正月庚辰赦并州起義時編戶給復三年後附者一年 按唐書太宗本紀云云

高宗永徽三年戶部尚書高履行奏戶口數 按唐書高宗本紀不載 按舊唐書本紀永徽三年秋七月丁丑上問戶部尚書高履行去年進戶多少履行奏稱進戶總一十五萬 按杜佑通典

高宗以天下進戶旣多謂無忌曰比來國家無事戶口稍多三二十年足堪殷實因問隋有幾戶今有幾戶履行奏隋大業中戶八百七十萬今戶三百八十萬 按冊府元龜帝曰自隋末亂離戶

口減耗邇來雖復蘇息猶大少于隋初

永徽五年二月敕天下二年一定戶 按唐書高宗本紀不載 按冊府元龜云云

顯慶二年上問戶數 按唐書高宗本紀不載 按杜佑通典顯慶二年十月上幸許汝州問中書令杜正倫曰此間田地極寬百姓太少因又問隋有幾戶正倫奏大業初有八百餘萬戶末年亂離至武德有二百餘萬戶

顯慶五年平百濟獲其戶 按唐書高宗本紀不載 按舊唐書本紀五年八月庚辰蘇定方等討平百濟面縛其王扶餘義慈國分爲五部郡三十七城二百戶七十六萬

總章元年破高麗獲其戶 按唐書高宗本紀不載 按舊唐書本紀總章元年九月癸巳司空英國公勣破高麗拔平壤城擒其王高藏及其大臣男建等以歸境內盡降其城一百七十戶六十九萬七千以其地爲安東都護府分置四十二州

總章二年移高麗戶入內地 按唐書高宗本紀不載 按舊唐書本紀二年五月庚子移高麗戶二萬八千二百車一千八十乘牛三千三百頭馬二千九百匹駝六十頭將入內地萊營二州般次發遣量配於江淮以南及山南并涼以西諸州空閑處安置

中宗嗣聖十一年

即武后延載元年

周勅定戶口簿

按唐書武后本紀不載

按冊府元龜則天延載元

年八月勅諸戶口計年將入丁老疾應免課役及給侍者皆縣親貌形狀以爲定簿一定已後不得

更貌疑其奸濫者聽隨時貌定以附于實

嗣聖十二年

即武后證聖元年

周鳳閣舍人李嶠表請編戶

按唐書武后本紀不載

按文獻通考證聖

元年鳳閣舍人李嶠上表曰臣聞黎庶之數戶口之衆而條貫不失按此可知者在於各有管統明其簿籍而已今天下流散非一或違背軍鎮或因緣逐糧苟免歲時偷避徭役此等浮衣寓食積歲淹年王役不供簿籍不挂或出入關防或往來山澤非直課調虛蠲闕於恆賦亦自誘動愚俗堪爲禍患不可不深慮也或逃亡之戶或有檢察卽轉入他境運行自容所司雖具設科條頒其法禁而相看爲例莫適遵承縱欲亂其僣違加之刑罰則百州千郡庸可盡科前旣依違後仍積習檢獲者無賞停止者獲原浮逃不悛亦由於此今縱更搜檢委之州縣則還襲舊蹤卒於無益臣以爲宜令御史督察檢校設禁令以防之垂恩德以撫之施權衡以御之爲制限以一之然後逃亡可還浮寓可絕所謂禁令者使閭閻爲保遞相覺察前所乖避皆許自新仍有不出輒聽相告每糺一人隨事

加賞明爲科目使知勸沮所謂恩德者逃亡之徒久離桑梓糧儲空闕田野荒廢卽當賑乏少助其修營雖有缺賦懸徭背軍離鎮亦皆捨而不問寬而勿征其應還家而貧乏不能致者乃給程糧使達本貫所謂權衡者逃人有絕家去鄉失離本業心樂所住情不願還聽於所在隸名卽編爲戶夫顧小利者失大計存近務者喪遠圖今之議者或不達於變通以爲軍府之地戶不可移關輔之人貫不可改而越關繼踵背府相尋是開其逃亡而禁其割隸也就令逃亡者多不能總計割隸猶當計其戶等量爲節文殷富者令還貧弱者令住檢責已定計科已明戶無失編人無廢業然後按前躡申舊章嚴爲防禁與人更始所謂限制者逃亡之人應自首者以符到百日爲限限滿不出依法科罪遷之邊州如此則戶無所遣人無所匿矣

嗣聖十三年

卽武后萬歲通天元年

周勅天下外繼別籍者戶不得降下丁不得蠲免

按唐書武后本紀不

載按文獻通考萬歲通天元年勅天下百姓父母令外繼別籍者所析之戶並須與本戶同不得降下其應入役者共計本戶丁中用爲等級不得以析生蠲免

神龍元年戶六百一十五萬有奇制二十二成丁

按唐書中宗本紀不載

按舊唐書蘇瓌傳瓌



神龍初遷戶部尙書奏計帳所管戶時有六百一十五萬六千一百四十一

按冊府元龜神龍

元年五月十八日制二十二成丁五十九免役

睿宗景雲元年七月敕韋庶人所奏成丁入老宜停

按唐書睿宗本紀不載

按冊府元龜云云

元宗開元九年招徠戶口得戶八十餘萬

按唐書元宗本紀不載

按宇文融傳開元初天下戶

版剋隱人多去本籍浮食閭里詭脫繇賦豪弱相并州縣莫能制融由監察御史陳便宜請校天下籍收匿戶羨田佐用度元宗以融爲覆田勸農使鉤檢帳符得僞勦亡丁甚衆擢兵部員外郎兼侍御史融乃奏慕容琦韋洽裴寬班景倩庫狄履溫賈晉等二十九人爲勸農判官假御史分按州縣括正丘畝招徠戶口而分業之又兼租地安輯戶口使於是諸道收沒戶八十萬

按冊府元龜

開元九年正月二十八日監察御史宇文融請簡察色役僞濫并逃戶及籍田因令充使於是奏勸農判官數十人使還得戶八十餘萬

開元十四年戶七百六萬九千五百六十五

按唐書元宗本紀不載

按文獻通考云云

開元十八年敕天下戶不許遞相憑囑求居下等又敕諸戶籍三年一造

按唐書元宗本紀不載

按冊府元龜十八年十一月敕天下戶等第未平昇降須實比來富商大賈多與官吏往還遞相憑囑求居下等自今以後不得更然如有囑請者所由牧宰錄名封進朕當處分京都委御史外州委本道如有隱蔽不言隨事彈奏是月又敕諸戶籍三年一造起正月上旬縣司責手實計帳赴州依式勘造鄉別爲卷總寫三通其縫皆注某州某縣某年籍州名用州印縣名用縣印三月三十日納訖並裝潢一通送尙書省州縣各留一通所須紙筆裝潢並皆出當戶戶口內外一錢其戶每以造籍年預定爲九等便注籍脚有折生新附者于舊戶後以次編附

開元二十年戶部計帳管戶七百八十六萬一千二百三十六口四千五百四十三萬一千二百六十五 按唐書元宗本紀不載 按冊府元龜云云

開元二十二年戶部計帳管戶八百萬八千七百一十 按唐書元宗本紀不載 按冊府元龜云云

開元二十四年敕天下戶口州縣每年各具實數申奏 按唐書元宗本紀不載 按冊府元龜二十四年三月敕朕以百姓爲心固非一人獨理委之牧宰輯寧兆庶若考論政績在戶口存亡不有

甄明何憑賞罰自今以後天下諸州戶口或刺史縣令自離任者並宜分明交付州縣仍每至年終各具存亡及增加實數同申並委採訪使重覆報省所司明爲課最具條件奏聞隨事褒貶以旌善惡七月敕諸州逃人先除籍帳能自歸復業者其應徵當年租庸資課一事已上並宜放免其隱漏舉首改正人等亦宜准此

開元二十五年著戶令 按唐書元宗本紀不載 按杜佑通典二十五年戶令云諸戶主皆以家長爲之戶內有課口者爲課戶無課口者爲不課戶諸視流內九品以上官及男年二十以上老男廢疾妻妾部曲客女奴婢皆爲不課戶無夫者爲寡妻妾餘准舊令諸年八十及篤疾給侍一人九十二人百歲五人皆先盡子孫聽取先親皆先輕色無近親外取白丁者人取家內中男者并聽諸以子孫繼絕應析戶者非年十八以上不得析卽所繼處有母在雖小亦聽析出諸戶欲析出口爲戶及首附口爲戶者非成丁皆不合析應分者不用此令諸戶計年將入丁老疾應徵免課役及給侍者皆縣令貌形狀以爲定簿一定以後不須更貌若有奸欺者聽隨事貌定以附於實

開元二十八年戶部計天下戶口之數 按唐書元宗本紀不載 按地理志二十八年戶部帳凡